

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 02-4236/17 od 14.11.2017. godine), zaključuje se

## UGOVOR O PRUŽANJU USLUGA IZRADE ALARMNOG SISTEMA I SERVISIRANJE VATRODOJAVNOG SISTEMA

Između ugovorenih strana:

UNILAB d.o.o. Sarajevo, sa sjedištem u Sarajevu na adresi Drinska br. 70, koju zastupa direktor Hazim Šahbaz (u daljem tekstu: Izvršilac usluga)

i

Elektrotehnički fakultet u Sarajevu, sa sjedištem u Sarajevu na adresi Zmaja od Bosne bb, koga zastupa dekan prof. dr. Samim Konjicija (u daljem tekstu: Ugovorni organ)

### PREDMET UGOVORA

#### *Član 1.*

Predmet ovog ugovora (u daljem tekstu: Ugovor) je pružanje usluga izrade alarmnog sistema i servisiranje sistema vatrodajave za potrebe Elektrotehničkog fakulteta u Sarajevu.

### PRAVA I OBAVEZE UGOVORNIH STRANA

#### *Član 2.*

Izvršilac usluga se obavezuje:

1. Da će pružiti usluge izrade alarmnog sistema u pomoćnim A, B i C objektima Elektrotehničkog fakulteta u Sarajevu.
2. Da će izvršiti tehnički šestomjesečni pregled postojećeg vatrodajavnog sistema u glavnoj zgradi Elektrotehničkog fakulteta u Sarajevu i izdati odgovarajući atest o njegovoj tehničkoj ispravnosti.
3. Da će sačiniti zapisnik o izvršenom servisu, koga potpisuje ovlašteni serviser i ovlašteno lice Ugovornog organa. Izvještaj o servisu sadrži i procjenu ispravnosti sistema kao i nalaze o dotrajalosti pojedinih dijelova, te sugestije do kada bi ih trebalo zamijeniti sa ciljem besprijekornog rada sistema.
4. Da će izdati zapisnik o stručnom nalazu (atest) sistema vatrodajave na osnovu Zakona o zaštiti požara i vatrogastvu ("Službene novine FBiH", br. 65/09).
5. Da će se odazvati na poziv Ugovornog organa i doći na lokaciju po pozivu, u roku od 5 sati od poziva.
6. Da će otkloniti kvar u roku od 24 sata od trenutka kada je utvrđen kvar, predan ovlaštenom licu Ugovornog organa.
7. Da će u skladištu posjedovati sve dijelove neophodne za brz i efikasan servis.
8. Da će obezbjediti garanciju od 12 (dvanaest) mjeseci na novi ugrađeni dio, a na izvršen servis (uslugu) 3 (tri) mjeseca.

Ugovorni organ se obavezuje:

- Da će obavijestiti Izvršioca usluga o mogućim kvarovima na alarmnom i vatrodajavnom sistemu.
- Da će obavijestiti Izvršioca usluga u razumnom roku o mogućim tehničkim neispravnostima alarmnog i vatrodajavnog sistema.

### PODUGOVARANJE

#### *Član 3.*

Izvršilac usluga može angažovati podugovarača radi pružanja bilo kojih usluga, ukoliko Ugovorni organ odobri angažovanje takvog podugovarača pismenim putem. Izvršilac usluga će biti odgovoran za sve realizovane usluge od strane podugovarača.

## VISINA I PLAĆANJE

### Član 4.

Ukupna cijena usluge iznosi 5.121,00 KM bez PDV-a (pethiljadastotinudvadesetjednu i 00/100KM). Ugovoreni iznos naknade će se platiti na žiro račun Izvršioca usluga, kod odgovarajuće banke u Bosni i Hercegovini, u roku od 30 (trideset) dana od dana dostave fakture. Pripadajući porez će se obračunati i platiti u skladu sa zakonom.

## TRAJANJE I RASKID UGOVORA

### Član 5.

Ovaj ugovor se zaključuje na period od 20.11.2017.godine do zaključno sa 31.12.2017. godine. Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na raskid ovog Ugovora pisanim putem uz otkazni rok od 30 (trideset) dana. U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i potpisane od ugovorenih strana. Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

## PRIJELAZNE I ZAVRŠNE ODREDBE

### Član 6.

Ovaj ugovor stupa na snagu danom obostranog potpisivanja.

Za sva ostala pitanja koja nisu regulisana odredbama ovog Ugovora, primjenjivat će se odredbe Zakona o obligacionim odnosima.


### Član 7.

Ugovorne strane saglasne su da sva eventualna sporna pitanja rješavaju sporazumno, a u slučaju spora, ugovara se nadležnost stvarno i mjesno nadležnog suda u Sarajevu.

### Član 8.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.


IZVRŠILAC USLUGA

  
Direktor, Hazim Šahbaz

Broj:

Datum: 22.11.2017

UGOVORNI ORGAN

  
Dekan, prof.dr Samim Konjicija

Broj: 02-4350/17

Datum: 21.11.2017